

Na osnovu člana 10. i 12. Zakona o udruženjima i fondacijama Bosne i Hercegovine (Sl. glasnik B i H br. 32/01 i 42/03) i člana 2. Zakona o udruživanju građana (Narodne novine Federacije B i H, br.6/95) osnivačka Skupština Društva prijatelja prirode « *L I P A* », Odžak, d o n o s i

S T A T U T A

DRUŠTVA PRIJATELJA PRIRODE « L I P A »

I - O P Ć E O D R E D B E

Član 1.

Ovim statutom reguliraju se odredbe o nazivu, sjedištu i području djelovanja društva, njegovom zastupanju i predstavljanju, ciljevima i aktivnostima kojima se ostvaruju ciljevi, o ostvarivanju javnosti rada, članstvu, pravima i dužnostima članova, o unutrašnjem ustroju, organima društva, njihovom sastavu i načinu odlučivanja, uslovima i načinu izbora i opoziva, trajanju mandata, planiranju i programiranju, priznanjima i nagradama, disciplinskim mjerama i odgovornostima, o imovini i raspolaganju finansijskim sredstvima, načinu sticanja imovine, prestanku i drugim pitanjima važnim za rad društva.

Član 2.

Društvo prijatelja prirode « *L I P A* », Odžak (u daljem tekstu: Društvo) je dobrovoljna, interesna, nevladina, vanstranačka i samostalna organizacija.

Društvo ne dopušta rasnu, nacionalnu, vjersku, dobnu, socijalnu i političku diskriminaciju, te kršenje prava i sloboda čovjeka i građanina.

U Društvu se ravnopravno koriste jezici svih naroda i narodnosti B i H.

Osnovno područje djelovanja Društva je širi prostor Bosanske Posavine, a u saradnji sa drugim društvima na i teritoriji čitave države i regiona.

Član 3.

Društvo se može udružiti u razna međudruštvena, regionalna, kantonalna, državna i međunarodna udruženja (asocijacije, saveze, komitete, odbore i sl.) sa svim pravima i obavezama koja proizlaze iz tog udruživanja.

Član 4.

Društvo upisom u registar udruženja građana kod Ministarstva pravosuđa i uprave Županije Posavska stiče svojstvo pravne osobe.

Za preuzete obaveze Društvo odgovara svim svojim sredstvima.

II C I L J E V I I S A D R Ź A J A K T I V N O S T I

Član 5.

Ciljevi i sadržaj aktivnosti Društva su:

širenje, podizanje i razvoj masovnog boravka u prirodi u svrhu rekreacije i aktivnog kreativnog odmora kroz teorijske i praktične aktivnosti,

- plansko i sveobuhvatno angažiranje na jačanju svijesti o očuvanju prirodnih ljepota, kao i razvijanje sklada biljnog i životinjskog svijet u prirodi i njegovoj simbiozi sa čovjekom,
- vaspitanje članstva u duhu patriotizma, humanizma, međunarodnog kodeksa ponašanja u prirodi, mira, uzajamnog poštivanja, otvorenosti, demokratije i saradnje,
- učestvovanje, organiziranje, pripremanje i izvođenje stručnih obuka članstva, a posebno mladih za trajno bavljenje aktivnostima u prirodi,
- iniciranje i učestvovanje u aktivnostima na očuvanju kulturno historijskih spomenika i znamenitosti,
- poduzimanje akcija humanitarnog karaktera u slučaju prirodnih i drugih nesreća i opasnosti,
- uspostavljanje prijateljskih odnosa sa sličnim organizacijama u zemlji i svijetu,
- razvoj takmičarskog duha kroz razne vidove takmičenja, zborovanja, susreta, izložbi i dr. i
- razvoj i jačanje ugleda prostora Bosanske Posavine kako u zemlji, tako i u svijetu.

Član 6.

Ciljeve i aktivnosti Društvo ostvaruje na sljedeći način:

- organiziranjem djelatnosti (izleta, pohoda, tura, susreta, sletova, uspona, ekspedicija, natjecanja, logorovanja i dr.) prema interesima članova i koje pridonose organizacijskom i svakom drugom napretku,
- populariziranjem prirodnih osobitosti i rijetkosti, kao i kulturno historijskih znamenitosti,
- populariziranjem i širenjem ljubavi prema prirodi u školama, privrednim i društvenim organizacijama i ustanovama putem sredstava javnog informiranja, učestvovanjem i organiziranjem takmičenja, zborovanja, susreta, izložbi i sličnih priredbi, kao i na druge načine,
- organiziranjem škole u prirodi, seminara i tečajeva za djecu, mlade i odrasle,
- izgradnjom i održavanjem objekata u prirodi i osiguranjem njihovog namjenskog i pravilnog korištenja,
- izgradnjom, osposobljavanjem, obilježavanjem i čuvanjem planinarskih puteva, biciklističkih staza, botaničkih vrtova, raftingških spustova, izviđačkih i ekoloških kampova,
- zaštitom flore i faune,
- organiziranjem i učestvovanjem u organizaciji kulturnih, naučnih i zabavnih manifestacija koje imaju za cilj popularizaciju prirode,
- saradnjom sa državnim tijelima i naučnim institucijama u cilju kvalitetnije realizacije planiranih aktivnosti,
- saradnjom sa zainteresiranim privrednim i drugim organizacijama, te državnim organima i institucijama,
- ostvarivanje marketinških aktivnosti,
- i na druge načine.

III- NAZIV, SJEDIŠTE I PEČAT

Član 7.

Puni naziv Društva je **DRUŠTVO PRIJATELJA PRIRODE « L I P A », ODŽAK.**

Skraćeni naziv Društva je **DPP « L I P A » ODŽAK.**

Član 8.

Sjedište društva je u Odžaku, Titova bb (Turistička zajednica).

Član 9.

Pečat Društva je okruglog oblika, prečnika 25 mm sa logom Društva u sredini (stilizirani oblik lista lipe) i po obodu ispis **Društvo prijatelja prirode « L i p a » Odžak.**

IV ČLANSTVO

Član 10.

Punopravni član Društva mogu biti državljani BiH kao i stranci ako prihvataju i rade u skladu sa statutom i drugim aktima Društva.

Član 11.

Članom Društva postaje se ispunjavanjem pristupnice i uplatom članarine za tekuću godinu.

Članu Društva izdaje se članska knjižica Društva.

Član 12.

Članom Društva prestaje se biti na lični zahtjev, isključenjem i smrću.

Član 13.

Društvo može imati i počasne članove. Odluku o proglašenju počasnim članom donosi Skupština Društva.

Član 14.

Prava člana su:

- da učestvuje u oblikovanju i izvršavanju programa i aktivnosti Društva,
- da bira i bude biran u sve organe i delegacije Društva,
- da u skladu sa svojom osposobljenosti koristi odgovarajuće materijalne potencijale Društva (objekte, vozila, opremu i dr.),
- da se samostalno izjasni o svim pitanjima života i rada Društva,
- da nosi amblem Društva,
- da koristi sve pogodnosti koje Društvo nudi svojim članovima,
- da bude informiran o svim pojedinostima rada Društva i njegovih organa i
- da za svoj rad i postignute uspjehe dobije priznanja i nagrade.

Dužnosti člana su:

- da u skladu sa svojim sposobnostima savjesno radi na ostvarivanju zadataka koji proističu iz ovog Statuta i programa rada Društva, kao i iz odluka Skupštine i Upravnog odbora Društva,
- da svojim radom i postupcima ne narušava ugled Društva i opće prihvaćene moralne norme,
- da omasovljuje društvo novim članovima, a posebno što većim brojem mladih,
- da shodno svojim sklonostima i sposobnostima stiče stručna zvanja iz domena rada Društva,
- da čuva imovinu Društva i povjerena sredstva, da njima rukuje u skladu sa uputstvom za rukovanje i
- da redovno plaća članarinu i druge materijalne obaveze usvojene od Skupštine.

Član 15.

Član Društva koji grubo krši Statut Društva, ne izvršava svoje obaveze prema Društva, svojim postupcima nanosi štetu Društva ili narušava ugled Društva može biti isključen iz Društva.

Prije donošenja odluke o isključenju, član Društva mora biti obaviješten o prijedlogu za isključenje, kao i razlozima zbog kojih se predlaže isključenje. Članu Društva se mora ostaviti razuman rok za izjašnjenje o pokrenutom prijedlogu za isključenje iz Društva.

Odluku o isključenju člana donosi Upravni odbor Društva.

Član 16.

Član Društva koji istupi ili koji je isključen iz Društva dužan je izvršiti obaveze prema savezu dospjele do dana prestanka članstva.

Član 17.

Društvo vodi evidenciju o članstvu.

Prilikom prelaska iz drugog Društva, član mora donijeti ispisnicu sa podacima o članstvu u kojoj se obavezno uvodi datum prijema, završeni program obuke, dobivana priznanja i izrečene disciplinske mjere.

IV NAČIN ORGANIZIRANJA I OBLICI AKTIVNOSTI

Član 18.

Svoju aktivnosti Društvo ostvaruje kroz rad sekcija koje okupljaju članove Društva na osnovu izrečenog interesa za bavljenjem nekom od pojedinih aktivnosti.

Član Društva može biti uključen u rad više sekcija.

Član 19.

Društvu sačinjavaju:

- planinarska sekcija (niskogorci, visokogorci, alpinisti, planinarski vodiči, planinarsko skijanje, gorska služba spašavanja, sportski penjači i dr.),
- ekološka sekcija,
- speleološka sekcija,
- biciklistička sekcija,
- orijentacijska sekcija,
- izviđačka sekcija,
- botanička sekcija,
- ornitološka sekcija,
 - gljivarska sekcija,
 - arheološka sekcija,
 - sekcija gorana i
 - rafting sekcija.

Na osnovu pokazanog interesa članova, Skupština Društva može po potrebi donijeti odluku o osnivanju i drugih sekcija sa novim sadržajima rada.

Sekcije imaju svoje pravilnike o radu koje odobrava Skupština.

Član 20.

Radom sekcije rukovodi predsjednik sa dva potpredsjednika, koje bira Upravni odbor Društva.

Za svoj rad predsjednik sekcije je odgovoran Upravnom odboru i Skupštini Društva.

V- ORGANI DRUŠTVA

Član 21.

Organi Društva su: - Skupština,

- Upravni odbor,
 - Predsjednik,
 - Nadzorni odbor i
 - Sud časti.

Član 22.

Skupština Društva (u daljnjem tekstu: Skupština) je najviši organ uprave Društva i sačinjavaju je svi članovi Društva. Redovna Skupština se održava jednom godišnje, a svake četvrte godine ujedno je i izborna, a saziva ih predsjednik na osnovu odluke Upravnog odbora.

Po potrebi može se održati i izvanredna Skupština, a saziva je predsjednik u roku od 30 dana po primitku pismenog zahtjeva Upravnog odbora, Nadzornog odbora, najmanje jedne desetine članova Društva ili po vlastitoj prosudbi. Ako predsjednik iz bilo kojeg razlog ne sazove Skupštinu u predviđenom roku, Skupštinu saziva predlagač.

Predsjednik Društva obavještava članove najmanje 7 (sedam) dana prije održavanja i upoznaj ih sa prijedlogom dnevnog reda, vremenom i mjestom održavanja.

Član 23.

Skupština Društva je posebno zadužena za sljedeće poslove:

- donosi Statut, poslovnike, pravilnike i druge akte u njenoj nadležnosti, vrši njihove izmjene i dopune u skladu sa pozitivnim zakonskim propisima, te vrši tumačenje istih,
- utvrđuje program razvitka Društva,
- usvaja godišnji plan rada i aktivnosti Društva, financijski plan i zaključni račun,
- razmatra izvještaje o radu organa Društva i odlučuje o njima,
- odlučuje o žalbama članova,
- bira i razrješava dužnosti predsjednika Društva,
- bira i razrješava dužnosti članove Upravnog odbora,
- bira i razrješava dužnosti članove Nadzornog odbora,
- bira i razrješava dužnosti članove Suda časti,
- bira i razrješava dužnosti predstavnike u organe međudruštvenih, regionalnih, kantonalnih, državnih i međunarodnih udruženja (asocijacija, saveza, komiteta, odbora itd.),
- imenuje i razrješava predstavnike Društvo pred državnim i nedržavnim organizacijama, institucijama i zajednicama, te drugim fizičkim i pravnim osobama,
- raspravlja i odlučuje o drugim pitanjima od važnosti za rad Društva i
- odlučuje o prestanku rada društva.

Član 24.

Rad Skupštine je, po pravilu, javan i odvija se po Poslovniku o radu Skupštine.

Radom Skupštine predsjedava predsjednik Društva. U odsustvu predsjednika radom Skupštine rukovodi druga osoba koju Skupština ovlasti (potpredsjednik, tajnik, član Upravnog odbora, član Skupštine).

Skupština donosi punovažne odluke ako u radu sudjeluje najmanje trećina predstavnika Skupštine.

Odluke Skupštine donose se natpolovičnom većinom glasova prisutnih članova Skupštine i to javnim glasanjem, osim u slučajevima kada Skupština odluči da se o pojedinim pitanjima glasa tajno.

Skupština može neke od svojih ovlasti prenijeti na Upravni odbor.

Član 25.

Skupština bira predsjednika Društva i dva potpredsjednika Društva, za period od četiri godine uz mogućnost ponovnog izbora

Predsjednik Društva:

- predstavlja i zastupa Društvo,
- saziva sjednice Skupštine, Upravnog odbora i po potrebi drugih stalnih i povremenih organa Društva i predsjedava njima,
- brine o radu Društva i njegovih organa uz puno poštivanje pozitivnih zakonskih propisa, ovog Statuta kao i drugih akata koje je donijela Skupština i Upravni odbor,
- radi na izvršavanju i provođenju odluka Upravnog odbora i Skupštine,
- odgovara za javnost rada Društva,
- financijski je nalogodavac, te
- obavlja i druge poslove i zadatke koje mu povjeri Skupština i Upravni odbor.

Predsjednik društva može zaustaviti od izvršenja sve odluke za koje smatra da su suprotne pozitivnim zakonskim propisima i ovom Statutu. O tome izvještava Skupštinu i Upravni odbor Društva.

Za svoj rad predsjednik je odgovoran Skupštini.

Član 26.

Potpredsjednici pomažu predsjedniku u vršenju poslova iz njegove nadležnosti.

U slučaju spriječenosti ili odsustva predsjednika zamjenjuje jedan od potpredsjednika koga predsjednik ovlasti.

Član 27.

Upravni odbor je izvršni organ Skupštine i broji 7 (sedam) stalnih članova. Čine ga predsjednik, dva potpredsjednika, tajnik Društva i 3 (tri) člana.

Mandat članova Upravnog odbora je 4 (četiri) godine, s mogućnošću ponovnog izbora.

Član 28.

Upravni odbor se sastaje po potrebi, a najmanje 4 puta u toku godine.

Upravni odbor donosi punovažne odluke ako u radu sudjeluje više od polovine članova.

Radom Upravnog odbora rukovodi predsjednik, a u njegovom odsustvu ovlašteni potpredsjednik.

Član 29.

Upravni odbor Društva obavlja sljedeće poslove:

- priprema materijale za sjednice Skupštine,
 - priprema i predlaže nacrt izmjena Statuta i drugih akata koje donosi Skupština,
 - donosi poslovnik o radu Upravnog odbora,
 - donosi dugoročne i godišnje planove rada,
 - donosi nacrt financijskog plana i završnog računa,
 - donosi nacrt pravilnika o financijskom i materijalnom poslovanju,
 - utvrđuje visinu članarine i drugih obaveza članova,
 - provodi odluke, zaključke i preporuke Skupštine te joj podnosi izvještaj o svome radu ,
 - ostvaruje saradnju sa zainteresiranim organima, organizacijama i ustanovama,
 - bira tajnika Društva iz svog sastava,
 - imenuje i razrješava članove povremenih tijela i utvrđuje djelokrug njihova rada,
 - organizira akcije i takmičenja,
 - donosi nacrt pravilnika o radu organa Društva, kao i druga normativna akta,
 - donosi odluku o određivanjima i ovlaštenjima naredbodavca,
 - brine se o nabavci, održavanju i popravku opreme, rekvizita i inventara,
 - upravlja imovinom Društva,
 - koordinira i usmjerava rad sekcija,
 - brine se o osiguranju financijskih sredstava neophodnih za izvršavanje utvrđenih aktivnosti,
 - brine se o primjeni Statuta i
 - obavlja i druge poslove i zadatke koji proizlaze iz Statuta i odluka Skupštine Društva.

Član 30.

Radi lakšeg i efikasnijeg izvršenja planiranih aktivnosti Upravi odbor može formirati komisije iz područja djelovanja Društva.

Komisije mogu imati stalni i privremeni karakter.

Član 31.

Članovi Upravnog odbora mogu biti opozvani i prije isteka vremena na koje su izabrani i to:

- na sopstveni zahtjev,
- ako ne dođu na sjednicu tri puta uzastopno (bez opravdavajućih razloga),
- ako svojim radnjama u vezi sa radom Upravnog odbora ruše ugled Društva i
- u drugim slučajevima predviđenim Zakonom, ovim Statutom i aktima Društva.

O opozivu člana Upravnog odbora odlučuje Skupština.

Do zasjedanja Skupštine, na prijedlog predsjednika, Upravni odbor dvotrećinskom većinom može opozvati člana i kooptirati novog, ali ne više od dva člana.

Član 32.

Tajnika Društva iz svog sastava bira Upravni odbor.

Tajnik Društva obavlja sljedeće poslove:

- priprema materijale za sjednice Skupštine i Upravnog odbora, kao i drugih organe Društva,
- obavlja administrativno tehničke poslove za potrebe Društva,
- vodi evidenciju članova i arhivu Društva,
- brine se o obavještanju članstva i javnosti rada i djelovanja Društva,
- pomaže predsjedniku u izvršavanju odluka, zaključaka i stavova Skupštine i Upravnog odbora,
- usklađuje rad članova Upravnog odbora, Nadzornog odbora, zastupnika u organe međudruštvenih, regionalnih, kantonalnih, državnih i međunarodnih udruženja (asocijacija, saveza, komiteta, odbora itd.), kao i stalnih i povremenih tijela Društva,
- organizira rad na pripremi sjednica Skupštine i Upravnog odbora i vodi zapisnike istih,
- usklađuje rad na organizaciji akcija i takmičenja, te
- obavlja i ostale poslove po zaduženju Upravnog odbora i Skupštine.

Za svoj rad tajnik je odgovoran Skupštini i Upravnom odboru Društva.

Mandat tajnika traje 4 (četiri) godine, s mogućnošću ponovnog izbora.

Član 33.

Nadzorni odbor bira Skupština Društva. Nadzorni odbor broji 3 (tri) člana koji između sebe biraju predsjednika.

Članovi Nadzornog odbora ne mogu biti članovi drugih organa Društva.

Mandat članova Nadzornog odbora je 4 (četiri) godine, s mogućnošću ponovnog izbora.

Član 34.

Nadzorni odbor obavlja sljedeće poslove:

- kontrolira zakonitost rada organa Društva,
- kontrolira provedbe Statuta, pravilnika i ostalih akata Društva i
- kontrolira materijalno i financijsko poslovanje Društva.

Nadzorni odbor svoj izvještaj o zakonitosti rada organa Društva, provedbi Statuta i drugih akata, o financijsko materijalnom poslovanju podnosi Skupštini na razmatranje i usvajanje.

Za svoj rad Nadzorni odbor odgovoran je Skupštini.

Član 35.

Sud časti bira Skupština. Sud časti broji 3 (tri) člana koji između sebe biraju predsjednika.

Članovi Suda časti ne mogu biti članovi Upravnog odbora.

Mandat članova Suda časti je 4 (četiri) godine, s mogućnošću ponovnog izbora.

Član 36.

Sud časti odlučuje o nestatutarnim oblicima ponašanja i narušavanju pravila etičkog ponašanja članova Društva. Ovisno o težini povrede Statuta i pravila etičkog ponašanja, Sud časti predlaže Upravnom odboru izricanje disciplinske mjere.

Sud časti radi na osnovu Pravilnika o radu Suda časti i Pravilnika ponašanja članova Društva koje usvaja Skupština.

VI- IMOVINA, FINACIJSKO MATERIJALNO POSLOVANJE

Član 37.

Imovina Društva čine nekretnine, pokretnine, materijalna dobra i prava, te novčana sredstva kojima Društvo upravlja i raspolaže.

Član 38.

Financijsko i materijalno poslovanje Društva obavlja se u skladu sa pozitivnim zakonskim propisima, ovim Statutom i Pravilnikom o financijskom i materijalnom poslovanju Društva.

Član 39.

Financijska i materijalna sredstva za rad, akcija i aktivnosti koje proizlaze iz planova i programa rada formiraju se od:

- članarine i drugih obaveza članova Društva,
 - sredstava dobivenih na osnovu ugovora ili sporazuma sa privrednim organizacijama, državnim ili drugim organima, organizacijama i ustanovama,
 - sredstava namijenjenih financiranju sporta i kulture (budžeta i fondova),
 - prihoda od imovine i prava, te izdavačke, gospodarske, turističke, vodičke i marketinške aktivnosti,
 - sponzorstva, donacija, priloga i darova i
 - drugih izvora.

Član 40.

U slučaju prestanka rada Društva, sva imovina pripada Općini Odžak.

VII - NAGRADE I PRIZNANJA

Član 41.

Za uspješan i dugogodišnji rad na propagiranju pravilnog odnos prema prirodi, sveukupnom zalaganju i ostvarenim rezultatima član može biti pohvaljen, nagrađen, te predložen za dodjelu priznanja.

Za doprinose Društvu i ostvarivanju ciljeva Društva nagrade se mogu dodijeliti pojedincima i organizacijama van Društva.

Član 42.

Nagrade se daju isključivo u vidu diploma, plaketa, pehara, knjiga, opreme i počasnih značaka.

Član 43.

Odluku o nagrađivanju donosi Skupština, na prijedlog Upravnog odbora, predsjednika ili članova Društva.

Nagrade i priznanja dodjeljuju se na svečanoj sjednici Skupštine.

VIII - DISCIPLINSKA ODGOVORNOSTI I IZRICANJE MJERA

Član 44.

Odluku o izricanju disciplinske mjere donosi Upravni odbor na prijedlog Suda časti.

Član 45.

Za povrede općih načela ponašanja u prirodi, ovog Statuta, programa, odluka i pravilnika koji su doneseni od strane Skupštine i Upravnog odbora, član snosi disciplinsku odgovornost.

Disciplinske mjere su :

- javna opomena,
- pismena opomena,
- privremeno udaljavanje iz članstva i
- isključivanje iz članstva.

Disciplinska mjera izriče se srazmjerno težini djela i okolnostima u kojima je djelo učinjeno.

Član 46.

Disciplinska mjera privremenog udaljavanja iz članstva može trajati do 6 (šest) mjeseci.

Član kome je izrečena disciplinska mjera isključenja iz članstva može zatražiti ponovni prijem u članstvo po isteku roka od najmanje godinu dana od dana pravosnažnosti izrečene disciplinske mjere isključenja iz članstva.

Član 47.

Član Društva kome je izrečena neka od disciplinskih mjera ima pravo žalbe u roku od 10 (deset) dana od izricanja mjere.

Žalbu razmatra Skupština Društva, čija je odluka konačna.

IX - VANREDNE PRILIKE

Član 48.

Ako se u slučaju vanrednih prilika skupština ne može sastati, Upravni odbor je ovlašten da donosi privremene odluke iz nadležnosti Skupštine. Tako donesene odluke su na snazi do prve sjednice Skupštine.

Član 49.

Sporovi nastali u radu Društva rješavaju nadležna tijela Društva i arbitraža Osnovnom sudu u Odžaku.

X - PRESTANAK RADA

Član 50.

Društvo prestaje sa radom:

- odlukom Skupštine Društva i
- odlukom ovlaštenog organa o zabrani rada.

Odluku o prestanku rada Društva donosi Skupština na sjednici kojoj prisustvuje najmanje dvije trećine ukupnog broja članova Skupštine.

Odluka o prestanku rada Društva donosi se dvotrećinskom većinom prisutnih članova Skupštine.

XI - ZAVRŠNE ODREDBE

Član 51.

Poslovnici, pravilnici i odluke koje se donose na temelju ovog Statuta moraju se donijeti u roku od dva mjeseca od dana usvajanja ovog Statuta.

Član 52.

Postupak za izmjene i dopune ovog Statuta istovjetan je postupku njegovog donošenja.

Član 53.

Ovaj Statut stupa na snagu sa danom usvajanja na sjednici Skupštine Društva 26.09.2007.g.

Broj: 17/07

Odžak, 26.09.2007.g.

Predsjednik Društva
Dino Lubina